

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН Ш У Ӗ М

«Коми Республикаса медицина организациясын торъя медицина да мукӖд уджалысьлы социальнӧя отсалан мераяс йылысь» Коми Республикаса Оланпас збыльмӧдан мераяс йылысь

«Коми Республикаса медицина организациясын торъя медицина да мукӖд уджалысьлы социальнӧя отсалан мераяс йылысь» Коми Республикаса Оланпаслысь 2¹ статья збыльмӧдӧм могысь Коми Республикаса Воськӧдлан котыр шуис:

1. Вынсӧдны шӧр тшупӧда медицина тӧдӧмлуна медицина уджалысьяслы содтӧд мынтӧмъясӧн социальнӧя отсалан мераяс сетан пӧрадок, ыджаяс да условияс йылысь положение содтӧд серти.

2. Индыны Коми Республикаса йӧзлысь дзоньвидзалун видзан министерствоӧс Коми Республикаса олӧмӧ пӧртысь власьт уполномочитӧм органӧн сы вылӧ, медым:

1) вынсӧдны Коми Республика мутасын фельдшер-акушер пунктьяслысь лыддьӧг, кӧні шӧр тшупӧда медицина тӧдӧмлуна медицина уджалысьяслӧн чинъясын уджалігӧн локтан финансӧвӧй во вылӧ мынтӧны тайӧ шуӧмӧн урчитӧм содтӧд мынтӧмъяс;

2) кырымавны тайӧ шуӧмӧн урчитӧм содтӧд мынтӧмъяс мынтӧм могысь медицина уджалысьяскӧд сӧрнитчӧмъяс;

3) могмӧдны «Социальнӧй юкӧнын ӧтувъя шӧр цифрӧвӧй платформа» канму юӧртан системаӧн вӧдитчӧмӧн тайӧ шуӧм серти сетӧм (сетан) содтӧд мынтӧмъяс йылысь юӧр йӧзӧдӧмсӧ «Социальнӧй юкӧнын ӧтувъя шӧр цифрӧвӧй платформа» канму юӧртан система йылысь положение серти, мый вынсӧдӧма Россия Федерацияса Воськӧдлан котырӧн;

4) видзӧдны медицина уджалысьяслы тайӧ шуӧмӧн урчитӧм содтӧд мынтӧмъяс сетӧм бӧрся.

3. Тшӧктыны Коми Республикаса йӧзлысь дзоньвидзалун видзан министерстволы сетны гӧгӧрвоӧдӧмъяс, кутшӧмъяс йитчӧмаӧсь тайӧ шуӧм збыльмӧдӧмкӧд.

4. Тайӧ шуӧмсӧ олӧмӧ пӧртӧм бӧрся видзӧдны Коми Республикаса Воськӧдлан котырӧн Юрнуӧдысьӧс вежысьлы, кодӧ кывкутана могъяс юклӧм серти координируйтӧ Коми Республикаын гражданагысь дзоньвидзалун видзан юкӧнын канму политика збыльмӧдан юалӧмъяс серти Коми Республикаса олӧмӧ пӧртысь власьт органъяслысь уджсӧ.

5. Тайӧ шуӧмыс вынсялӧ сійӧс официальнӧя йӧзӧдан лун бӧрын дас лун кольӧм мысти.

Коми Республикаса Веськӧдлан котырӧн
Юрнуӧдысьӧс Медводдза вежысь

Э. Ахмеева

Сыктывкар
2024 вося моз тӧлысь 27 лун
359 №

ВЫНСЬӨДӨМА
Коми Республикаса Веськөдлан котырлөн
2024 во моз тöлысь 27 лунся 359 №-а шуöмөн
(содтöд)

Шöр тшупöда медицина тöдöмлуна медицина уджалысьяслы
содтöд мынтöмъясöн социальнöя отсалан мераяс сетан
пöрадок, ыджаяс да условияс йылысь

ПОЛОЖЕНИЕ

1. Тайö Положениеыс урчитö «Коми Республикаса медицина организациясын торъя медицина да мукöд уджалысьлы социальнöя отсалан мераяс йылысь» 2020 во öшым тöлысь 24 лунся 104-РЗ №-а Коми Республикаса Оланпаслөн 2¹ статьяын индöм Коми Республикаса медицина организациясса медицина уджалысьяслы содтöд мынтöмъясöн социальнöя отсалан мераяс сетан пöрадок, мында, условияс. (водзö – медицина уджалысьяс).

Содтöд мынтöмъясöн социальнöя отсалан мераясö пырöны оланін ньöбöм либö стрöйтöм вылö 1 миллион шайт мындаын öтчыдысь сьöм мынтöм да 38 800 шайт мындаын быдтöлысь сьöм мынтöм (водзö лöсялöмөн – содтöд мынтöмъяс, öтчыдысь мынтöм, быдтöлысь мынтöм).

2. Содтöд мынтöмъясöн социальнöя отсалан мераясö сетöны медицина уджалысьяслы, кодъяс воисны уджавны вакантнöй чинъясын Коми Республика мутасын фельдшер-акушер пунктъясö, кутшöмъясöс водзджыксö абу могмöдöма медицина персоналөн да кутшöмъясöс пыртöма Коми Республикаса йöзлысь дзоньвидзалун видзан министерствоөн вынсьöдöм фельдшер-акушер пунктъяслөн лыддьöгö (водзö – фельдшер-акушер пунктъяс), кодъяс 2024 воын да сы бöрын мунысь воясö кырымалісны удж йылысь сёрнитчöм Коми Республикаса йöзлысь дзоньвидзалун видзан министерство ведомствоувса медицина организациякöд (водзö – медицина организация), урчиттöм кадколаст вылö шöр уджаланін серти сэк, кор найö тырвийö уджалöны фельдшер-акушер пунктын штатнöй чинъясын, а сіджö сэк, кор абу босьтöмаöсь öтчыдысь мукöд компенсация мынтöмъяс, кутшöмъясöс урчитöма «Медицина уджалысьяслы (врачъяслы, фельдшеръяслы, а сіджö фельдшер здравпунктъясса да фельдшер-акушер пунктъясса акушеркаяслы да медицина сестраяслы), кодъяс локтісны (вуджисны) уджавны Коми Республика мутасын меститчысь сиктса олан пунктъясö, либö рабочöй посёлокъясö, либö кар кодь посёлокъясö, либö 50 сюрс мортöдз олысь лыда каръясö, öтчыдысь компенсация мынтöмъяс сетан пöрадок йылысь» Коми Республикаса Веськөдлан котырлысь 2019 во рака тöлысь 22 лунся 133 №-а шуöм, «Сиктса олан пунктъясын да кар кодь посёлокъясын уджалысь вылыс тшупöда тöдöмлуна да уджсикасын шöр тшупöда тöдöмлуна торъя категория медицина уджалысьяслы öтчыдысь компенсация мынтöм йылысь» Коми Республикаса Веськөдлан котырлысь

2012 во урасьом тӧлысь 14 лунся 45 №-а шуом збыльмӧдӧм серти, кутшӧмъясӧс веськӧдӧма Коми Республикаса йӧзлысь дзоньвидзалун видзан система кадрьясӧн могмӧдӧм былӧ.

Фельдшер-акушер пунктъяслысь лыддьӧгсӧ, кӧні медицина уджалысьяс чиньясын уджалігӧн сетӧны содтӧд мынтӧмъяс, вынсьӧдӧны Коми Республикаса йӧзлысь дзоньвидзалун видзан министерстволӧн (водзӧ – Министерство) тшӧктӧдӧн фельдшер-акушер пунктъясын шӧр медицина персоналӧн могмӧдӧмсӧ тӧд былӧ босьтӧмӧн: 2024 воын – 2024 вося йирым тӧлысь 15 лунысь оз сӓрджык, водзӧ мунысь воясӧ – быд во локтан финансӧвӧй во водзын мунысь волӧн ӧшым тӧлысь 1 лунӧдз кадколастӧ. Министерстволысь тайӧ тшӧктӧдсӧ йӧзӧдӧны «Ӧтуввез» юӧртан да телекоммуникация везйын Министерстволӧн официальной сайтын сійӧс вынсьӧдан лунсянь 5 уджалан лунысь оз сӓрджык.

3. Ӧтчидысь мынтӧмсӧ сетӧны ӧтчидысь медицина уджалысьяслы, кодъяс кырымалісны содтӧд мынтӧмъяс сетӧм былӧ сӓрнитчӧм, кутшӧмӧс индӧма тайӧ Положениелӧн 13 пунктын, (водзӧ – сӓрнитчӧм).

Ӧтчидысь мынтӧмсӧ позьӧ веськӧдны оланін стрӧитӧм былӧ, сы лыдын пайӧн пырӧдчӧмӧн, либӧ оланін ньӧбӧм былӧ, сы лыдын медводдза взнос мынтӧм былӧ, а сідзжӧ ипотека оланін кредит (торъя мога заём) серти медшӧр уджйӧз вештӧм да прӧчентъяс мынтӧм былӧ.

4. Быдтӧлысья мынтӧмсӧ сетӧны да мынтӧны медицина уджалысьяслы сӓрнитчӧм кырымалан лунсянь 12 тӧлысь чӧжӧн сэк, кор найӧ Россия Федерацияса удж кодекслӧн 350 статья серти урчитӧм уджалан кадӧн тырвыйӧ лун чӧж уджалан условиеяс вылын вӧчӧны удж могъяс.

Сэк, кор календарнӧй тӧлысьысь уджалӧма абу тыр уджалан кад норма, медицина уджалысьлы календарнӧй тӧлысьысь быдтӧлысья мынтӧм мындасӧ арталӧны календарнӧй тӧлысьын уджалысьӧн збыльысь уджалӧм уджалан час лыдлӧн да лӧсялана тӧлысьлӧн уджалан кад норма серти уджалан час лыдлӧн лӧсялӧм серти, кутшӧмӧс арталӧма уджалысьлы Россия Федерацияса оланпастэчас серти урчитӧм уджалан вежонлӧн кузьятысь Россия Федерацияса удж да йӧзӧс социальнӧя дорьян министерствоӧн урчитӧм пӧрадокын. Быдтӧлысья мынтӧмсӧ мынтӧны медыджыд мындаын, лӧсялӧмыс кӧ ӧти единица либӧ унджык. Лӧсяланлуныс кӧ единицаысь этшаджык, быдтӧлысья мынтӧмлысь мындасӧ индӧны босьтӧм значениелы пропорциональнӧя.

Быдтӧлысья мынтӧмсӧ оз босьтны тӧд былӧ шӧркодь удждон арталігӧн.

Ӧтчидысь мынтӧм былӧ районса коэффициентсӧ да Ылі Войвыв районьясын да накод ӧткодялӧм местаясын уджалӧмысь прӧцент содтӧдьясӧ оз артавны.

5. Содтӧд мынтӧмъясӧ сьӧмӧн могмӧдӧны Коми Республикаса республиканскӧй сьӧм тшӧт весьтӧ.

6. Содтӧд мынтӧмъяс босьтӧм могысь медицина уджалысь удж йылысь сӓрнитчӧм кырымалан вося ӧшым тӧлысь 15 лунысь оз сӓрджык

сетö Министерство медицина организация пыр ачыс либö пошта пыр ыстöмөн содтöд мынтöмъяс сетöм йылысь заявление.

Содтöд мынтöмъяс сетöм йылысь заявлениеö колö пасйыны:

- а) медицина уджалысьлысь ним, вич (эм кө), ов, чужан кадпас;
- б) медицина уджалысьсö эскöдысь документ йылысь тöдмөгъяс (документ сикас, документлөн серия да номер, кодi сетiс документсö, сийöс сетан кадпас);
- в) вот мынтысьлөн пас да канмусянь пенсионнöя страхуйтöм серти страхöвöй эскöдангижöд номер йылысь тöдмөгъяс;
- г) медицина уджалысьлөн уджсикасын шöр тшупöда тöдöмлун босьтöмсö эскöдысь документ йылысь тöдмөгъяс (документ сикас, документлөн серия да номер, кодi сетiс документсö, сийöс сетан кадпас);
- д) медицина организациялысь ним, көнi медицина уджалысь уджалö (тэчас юкöдувлысь ним);
- е) медицина уджалысьлысь пасъянiн инпас (паспорт серти);
- ж) телефон номер, пошта инпас, кытчö колö ыстыны примитöм помшуйтöм йылысь уведомлениесö;
- з) банка тшöтлысь реквизитъяс, кытчö колö вуджöдны содтöд мынтöмъяссö;
- и) аспас обработайтöм вылö сöгласлун;
- к) медицина уджалысьлысь кырымпас да заявлениесö кырымалан кадпас.

Заявлениеын гижöм тöдмөгъяслысь збыльлунсö эскöдö медицина организацияөн юрнуöдысь, көнi уджалö медицина уджалысьыс, документъяссö, кутшöмъяс эмöсь медицина уджалысьлөн личнöй делöын, медицина уджалысьлөн заявлениеын индöм мыччöдъяскöд öткодялöм подув вылын.

7. Содтöд мынтöмъяс сетöм йылысь заявление дорö медицина уджалысь содтö татшöм документъяслысь (тöдмөгъяслысь) медицина организацияөн эскöдöм копияс:

- а) паспорт либö мортöс эскöдысь мукöд документ;
- б) уджсикасын шöр тшупöда медицина тöдöмлун йылысь диплом;
- в) специалистлөн сертификат либö специалистöс аккредитируйтöм йылысь эскöдангижöд;
- г) медицина организациякöд удж йылысь сёрнитчöм (сы дорö содтöд артмöдчöмъяс – эмöсь кө), кодкöд медицина уджалысьлөн эмöсь удж йитöдъяс;
- д) удж йылысь небöг, кутшöмöс эскöдiс медицина организация, кодкöд медицина уджалысьлөн эмöсь удж йитöдъяс, либö уджалöм йылысь тöдмөгъяс, кутшöмъясöс оформитöма Россия Федерацияса оланпастэчасөн урчитöм пöрадокын.

Содтöд мынтöмъяс сетöм йылысь заявление формасö вынсьöдö Министерство да сийöс вынсьöдан лунсянь 5 уджалан лунысь оз сёрджык йöзöдö «Öтуввез» юöртан да телекоммуникация везйын Министерстволөн официальной сайтын.

Медицина уджалысьлы аслыс медицина организация пыр, кӧні уджалӧ медицина уджалысьыс, заявление да сы дорӧ содтӧм документъяс сета лунӧ сетӧны гижсьӧг примитӧм документъяслысь лыддьӧг да найӧс примитан кадпас индӧмӧн. Медицина организация заявление да сы дорӧ содтӧм документъяс босьтан лунсянь 3 уджалан лун чӧжӧн ыстӧ найӧс Министерство.

Сэк, кор заявлениесӧ да сы дорӧ содтӧд документъяссӧ ыстӧны пошта связь организация, корреспонденция вайысь мукӧд организация пыр, индӧм заявлениесӧ да документъяссӧ сета лунӧн лыддьысьсӧ кадпас, кутшӧмӧс индӧма заявление ыстанін серти тайӧ организациялӧн штемпельын. Министерство пасйӧ заявлениесӧ сылӧн воан лунӧ Министерствотоын примитӧм делопроизводство правилӧяс серти. Та дырйи гижсьӧгсӧ ыстӧны медицина уджалысьлы заявлениеын индӧм пошта инпас серти Министерствотоын шыӧдчӧм пасьян лунсянь 3 уджалан лун чӧжӧн.

8. Медицина уджалысь да медицина организацияӧн юрнуӧдысь кывкутӧны содтӧд мынтӧмъяс сетӧм йылысь заявлениеын индӧм тӧдмӧгъяслӧн збыльлунысь.

9. Сэк, кор содтӧд мынтӧмъяс сетӧм йылысь медицина уджалысьӧн сетӧм заявлениеыс оз лӧсяв тайӧ Положениелӧн 6 да 7 пунктъясын индӧм корӧмъяслы, Министерство заявление воан лунсянь 10 уджалан лун чӧжӧн бергӧдӧ заявлениесӧ медицина уджалысьлы бергӧдан помкаяссӧ индӧмӧн.

Медицина уджалысь вермӧ выль пӧв шыӧдчыны содтӧд мынтӧмъяс сетӧм йылысь заявлениеӧн помкаяссӧ бырӧдӧм бӧрын, кутшӧмъяс лоисны заявление бергӧдӧм вылӧ подулӧн, тайӧ Положениелӧн 6 да 7 пунктъясын урчитӧм пӧрадокын.

10. Министерство содтӧд мынтӧмъяс сетӧм йылысь заявление да документъяс, кутшӧмъяс лӧсялӧны тайӧ Положениелӧн 6 да 7 пунктъясын индӧм корӧмъяслы, Министерстоӧ воан лунсянь 15 уджалан лун чӧжӧн видлалӧ заявлениесӧ да примитӧ содтӧд мынтӧмъяс сетӧм йылысь либӧ найӧс сетӧмын ӧткажитӧм йылысь помшуӧм.

11. Содтӧд мынтӧмъясын сетӧмын ӧткажитӧм йылысь помшуӧм примитан подувъясӧн лоӧ сійӧ, мый:

а) эрдӧдӧма мынтӧм сетӧм йылысь заявлениеын индӧм абу збыль тӧдмӧгъяс. Абу збыль тӧдмӧгъяссӧ эрдӧдӧны заявлениеын индӧм тӧдмӧгъяссӧ медицина уджалысьӧн сетӧм документъяскӧд ӧткодялӧмӧн, а сідзжӧ заявлениеын ӧта-мӧдлы паныд, абу стӧч да (либӧ) дзугӧм юӧр эрдӧдӧмӧн;

б) медицина уджалысь, кодӧ сетӧс содтӧд мынтӧмъяс сетӧм йылысь заявление, оз лӧсяв тайӧ Положениелӧн 2 пунктса медводдза абзакын индӧм корӧмъяслы;

в) содтӧд мынтӧмъяс сетӧм йылысь заявлениесӧ сетӧма тайӧ Положениелӧн 6 пунктӧн урчитӧм кадколастысь сӧрджык;

г) медицина уджалысь босьтліс ӧтчидысь мукӧд компенсация мынтӧм, кутшӧмӧс урчитӧма «Медицина уджалысьяслы (врачъяслы, фельдшеръяслы, а сідзжӧ фельдшер здравпунктъясса да фельдшер-акушер

пунктъясса акушеркаяслы да медицина сестраяслы), кодъяс локтісны (вуджисны) уджавны Коми Республика мутасын меститчысь сиктса олан пунктъясö, либö рабочöй посёлокъясö, либö кар кодъ посёлокъясö, либö 50 сюрс мортöдз олысь лыда каръясö, öтчыдысь компенсация мынтöмъяс сетан пöрадок йылысь» Коми Республикаса Вескöдлан котырлысь 2019 во рака тöлысь 22 лунся 133 №-а шуöм, «Сиктса олан пунктъясын да кар кодъ посёлокъясын уджалысь вылыс тшупöда тöдöмлуна да уджсикасын шöр тшупöда тöдöмлуна торъя категория медицина уджалысьяслы öтчыдысь компенсация мынтöм йылысь» Коми Республикаса Вескöдлан котырлысь 2012 во урасьöм тöлысь 14 лунся 45 №-а шуöм збыльмöдöм серти, кутшöмъясöс вескöдöма Коми Республикаса йöзлысь дзоньвидзалун видзан система кадръясöн могмöдöм вылö.

12. Министерство помшуöм примитан лунсянь 5 уджалан лун чöжөн ыстö медицина уджалысьлы сыөн индöм пошта инпас вылö примитöм помшуöм йылысь уведомление. Сэк, кор примитöма содтöд мынтöмъяс сетöмын öткажитöм йылысь помшуöм, уведомлениеын индöны содтöд мынтöмъяс сетöмын öткажитан подувъяссö.

Содтöд мынтöмъяс сетöм йылысь помшуöм примитігөн Министерство тайö пунктса медводдза абзацын индöм кадколастö ыстö сёрнитчöм баласö медицина организацияö, көні уджалö медицина уджалысьыс.

Медицина организацияөн юрнуöдысь сёрнитчöм бала воан лунсянь 5 уджалан лун чöжөн котыртö медицина уджалысьöн, медицина организацияөн сёрнитчöм кырымалöмсö да бергöдö кырымалöм сёрнитчöмсö Министерствöö.

Медицина уджалысьöн, медицина организацияөн кырымалöм сёрнитчöмсö Министерствöö бергöдан лунсянь 3 уджалан лун чöжөн Министерствöос уполномочитöм петкöдлысь кырымалö сёрнитчöмсö да бергöдö медицина уджалысьлы да медицина организацияö пошта пыр заказнöя мöдöдöмөн.

13. Министерство, медицина организация да медицина уджалысь костын кырымалан сёрнитчöмын урчитöны:

а) медицина уджалысьлысь кывкутана мог удж йылысь сёрнитчöм кырымалан здуксянь вит во чöж уджавны тайö категория уджалысьяслы удж йылысь оланпастэчасөн урчитöм нормальнöй уджалан кад условиеяс вылын шöр уджаланінын (фельдшер-акушер пункты) удж йылысь сёрнитчöм серти, кутшöмöс медицина уджалысь кырымаліс лöсялана медицина организациякöд, кага видзан отпуск тöд вылö босьттöг;

б) медицина уджалысьлысь кывкутана мог видзны öтчыдысь мынтöмсö торъя мог серти сійöс босьтан лунсянь 6 тöлысь чöжөн;

в) медицина уджалысьöн заявленииын индöм банка тшöт вылö öтчыдысь мынтöмсö да быдтöлысья мынтöмсö медицина уджалысьлы вуджöдан пöрадок;

г) медицина уджалысьлысь кывкутана мог бергöдны Коми Республикаса республиканскöй сьöмкуд чöжöсö босьтöм öтчыдысь

мынтöмлысь юкöнсö, кутшöмöс арталöма удж йылысь сёрнитчöм дугöдан лунсянь вит вося кадколаст помасьтöдз уджавтöм периодлы пропорциональнöя кага видзан отпуск тöд вылö босьттöг (удж йылысь сёрнитчöмсö Россия Федерацияса удж кодекслöн 77 статьяса медводдза юкöнлöн 8 пунктöн, 83 статьяса медводдза юкöнлöн 5-7 пунктъясöн урчитöм подувъяс серти дугöдан случайяс кындзи), а сідзжö сэк, кор вуджöдöны мöд чинö, öтчыдысь мынтöмлысь юкöнсö, кутшöмöс арталöма удж йылысь сёрнитчöм дугöдан лунсянь уджавтöм периодлы пропорциональнöя, сэк, кор петöны удж вылысь призыв серти военнöй службакöд йитöдын (Россия Федерацияса удж кодекслöн 83 статьяса медводдза юкöнлöн 1 пункт серти), либö нюжöдны сёрнитчöмыслысь вына кадколастсö сійö период вылö, кор абу пöртöма олöмö удж серти кывкутана могъяс (медицина уджалысьлöн бöрйöм серти).

14. Öтчыдысь мынтöм сетан лунсянь 6 тöлысьысь оз дырджык кадколастö медицина уджалысь сетö Министерствоö документъяс, кутшöмъяс эскöдöны сійöс торъя мог вылö видзöмсö (пайöн стрöитчöмын участвуйтöм йылысь (пайöн стрöитöмын участвуйтöм йылысь сёрнитчöм серти корöмъяслысь инöдъяс сетöм йылысь) сёрнитчöм, олан жыр ньöбан-вузалан сёрнитчöм, ас олан керка стрöитöм вылö сёрнитчöм, ипотека кредит серти сёрнитчöм, мукöд документъяс, кутшöмъяс эмöсь).

Сэк, кор документъяссö, кутшöмъяс эскöдöны мынтöмсö торъя мог серти видзöмсö, ыстöны пошта связь организация, корреспонденция вайысь мукöд организация пыр, индöм документъяс сетан лунöн лыддысьсö заявление ыстанін серти тайö организациялöн штемпельын индöм кадпас. Министерство пасйö документъяссö, кутшöмъяс эскöдöны мынтöмсö торъя мог серти видзöмсö, налöн воан лунö Министерствöын урчитöм делопроизводство правилöяс серти.

Тайö пунктöн урчитöм документъяс сеттöмыс лоö подулöн öтчыдысь мынтöмсö тырвыйö бергöдöм вылö.

15. Министерство медицина уджалысьöн öтчыдысь мынтöмсö босьтан лунсянь 6 тöлысьса кадколаст кольöмсянь 20 уджалан лун чöжөн ыстö медицина уджалысьлы öтчыдысь мынтöмсö тырвыйö бергöдны коланлун йылысь уведомление, кытчö пырöны тшöтлöн реквизитъяс, кытчö колö вуджöдны сьöмсö (водзö – уведомление).

Медицина уджалысьлы уведомление босьтан лунсянь 15 календарнöй лун чöжөн быть колö бергöдны öтчыдысь мынтöмсö Министерстволöн лицевöй тшöт вылö, коді вуджöдö индöм сьöмсö Коми Республикаса республиканскöй сьöмкудйö, сьöм вуджöдöмөн.

16. Сэк, кор медицина уджалысьлысь лöсялана медицина организациякöд удж йылысь сёрнитчöмсö дугöдöма вит вося кадколаст помасьтöдз, кага видзан отпусксö тöд вылö босьттöг, медицина организациялы быть колö гижöмөн юöртны та йылысь Министерствоö удж йылысь сёрнитчöм дугöдан лунсянь 3 уджалан лун чöжөн сійöс дугöдан подувсö индöмөн.

Медицина организациясьнь медицина уджалыськӧд удж йылысь сёрнитчӧм кадысь водз дугӧдӧм йылысь уведомление Министерствой воан лунсянь 10 уджалан лун чӧжӧн Министерство арталӧ ӧтчыдысь мынтӧмлысь юкӧнсӧ, кутшӧмӧс медицина уджалысьлы колӧ бергӧдны, да ыстӧ пошта пыр пасйӧм мӧдӧдӧмӧн медицина уджалысьлы Коми Республикаса республиканскӧй сьӧмкудйӧ ӧтчыдысь мынтӧмлысь юкӧн ас вӧляысь бергӧдӧм йылысь уведомление, кытчӧ пырӧ мынтӧм юкӧнлӧн рӧштшӧт, кутшӧмӧс колӧ бергӧдны Коми Республикаса республиканскӧй сьӧмкудйӧ, мый вӧчӧма тайӧ Положениелӧн 13 пунктса «г» пунктсӧ серти, да тшӧтлӧн реквизитяс, кытчӧ колӧ вуджӧдны сьӧмсӧ.

17. Медицина уджалысь тайӧ Положениелӧн 16 пунктса мӧд абзацын индӧм уведомление босьтан лунсянь 30 календарнӧй лун чӧжӧн бергӧдӧ ӧтчыдысь мынтӧмлысь юкӧнсӧ Коми Республикаса республиканскӧй сьӧмкудйӧ тайӧ уведомлениеын индӧм мындаын да тшӧт вылӧ.

Сэк, кор урчитӧм кадколастӧ абу збыльмӧдӧма Коми Республикаса республиканскӧй сьӧмкудйӧ сьӧм бергӧдӧм йылысь уведомлениесӧ, Министерство перйӧ сійӧс ёрд пӧрадокын.